

seyen nit so besorglich / doch machen sie etwa lange Läger oder morbos. Diesen vnd dergleichen Stulläuffen soll man wehren so viel möglich. Dann sie bald endt machen / sie seyen dann decretorii, das ist / sie kommen dann nit im anfang / sondern etlich tag nach angefangnem morbo, dieselbe soll man wol nit von stund an vertreiben / sondern wie gemeldet im aphorismo, sie ihr crisin, oder Lauff lassen vnverhinderi volbringen / sonderlich wo sie nach der Vnsinnigkeit oder nach Ohnmachten kommen oder nach grosser Völle vnd geschwollnem Leib / ex phlegmate albo, auß weissem Rog oder Schleim. Vnd die Stellung soll man mit geringen Dingen / als Mandelmilch / gestählten ∇ vnd dergleichen / anfahen.

Diueil aber hie naturalis facultas oder nutritiva am meisten verlest vnd depraviert ist / so soll man ja in solchen Bauchflüssen gut achtung geben / wie dieselbe gestärckt vnd erhalten werde. Dann verleurt der Magen sein Däwung / da ist alles vmb sonst / da können die Arzney nit würcken / wie gut sie seyen. Vnd damit solche Krafft erhalten vnd gestärckt werde / seß ich allein 2. stück / ein innerlichs vnd eusserlichs / die ab innata & tota substantia & qualitate solche flüß stellen / auch zur confortation gewidmet seyend.

Advomi-
zum ni-
nium.

Confor-
tationem
triculi.

Das innerlich ist das / \mathcal{R} . Tormentillwurck / Pimpinellwurck an. 1. Lot. Ziber 1. Lot. Zimmet $\frac{1}{2}$. Lot. Paradeißholz 1. \mathcal{Q} . Muscatblüe $1\frac{1}{2}$. \mathcal{Q} . Zucker ein wenig. Von diesem Pulver gib auff gebähtem Brot ein / Frag nach kein Element / obs kalt oder warm sey. Also bald der Magen vnwillet oder heßschet / oder sonst nit recht dran wil / so siede folgendte ding: \mathcal{R} . Aristotelicæ rotundæ nō. 5. Mermut / Münck / Rosen / an. M. j. Calmus / Gaigant / Ziber an. $\frac{1}{2}$. Lot. Mastix 1. Lot. Beyrach $\frac{1}{2}$. Lot. sieds in gutem Wein \times . Diesen \times leg offt mit einem Schwam vff den Magen / oder waich ein stück gebäht Brodt drein / leg warm vber / nimbt allen Vnlust vnd Vnwillen des Magens hin / stärckt ihn gewaltig.

Vom Blutfluß.

CAP. XXIII.

S Wer obgemelte Nasenschweissen vnd blutige Ruhr seyend noch mehr andere Blutflüß / die offt ohne Bauchwehe / ein Blut durch